

Liebi Turnerinne

“the same procedure as every year”, dänkt ehr sicher wenn wieder de Jahresbricht verläse wird

Letztes Johr ha ich als Einleitung de Brexit, de Trump und s’Wetter gwählt um uf eusi turbulänti Welt ufmerksam z’mache.

D’Klimaerwärmig isch nöd verschwunde und au de Trump isch au immer no am twittere.

“the same procedure as every year”

fascht di gliche Turnerinne sind regelmässig i de Halle gstande und au fascht die gliche händ e regelmässigi “Uuszyite” gnoh, mängisch auch nöd ganz freiwillig. De Weg is Altenburg am Donnstig hät nöd immer 1. Priorität gha.

Aber mer sind euch nöd bös, es geht immer en härte Kern” wo sich ganz verschiedene zämesetzt, sodass jede Donnerstig fleissig turnt wird. Neus Johr, neus Glück, neui Vorsätz, oppis für Gsundheit und d’Lachmuskle zu tue.

Und erfreulicherwies händ ganz unverhofft neu 5 Fraue de Weg zu eus Turnerinne is Alteburg gfunde und sind i eusere Fraue-Gmeinschaft guet ufgnoh wurde. Das sind:

Milica Aleksic – Dana Bulaty – Doris Kohler – Magdala Isenschmid – Anita Mürner und wieder Daniela Gentilesca. So sind mehr jetzt im 2020 sensationel 28 Turnerinne.

Das sind doch vielversprechendi Perspektive fürs neue Vereinsjahr 2020, und ich freue mich mit euch de Alltag für kurzi Zyit vergesse z’chönne.

Euri Liebenswertigkeit, eure Humor, eure Isatz und eues Lache sind für mich immer wieder motivierend.

Sie trüged zum Zauber und e lockere Athmosphäre während em Turne bii. Dafür dank ich euch und wünsche eus allne es zauberhafts und gsunds neus Johr.



Renata